

مدیری : ابن السری
احمد جودت

مؤسسی : ابن السری
مصطفی نامق

آشیان

ادبی ، علمی ، سیاسی ، اجتماعی ، فنی ، اخلاق هفته لقی مجموعه در .

پنجشنبه

ایکینچی جلد

نومرو ۲۳

برنجی سنه

۲۶ محرم ۱۳۲۷

۵ شباط ۱۳۲۴

مندرجات

ماضی و آتی سعید حکمت	عثمانی دمیرولولری محمد امین
شناسی مرحوم عبدالحق حامد	قادرین روحی جیل سلیمان
خیال مشخص قاتق عالی	عفو مشتاق
حاجی حیاتی کایسلی رفعت	


استانبول

محل ادارسی : جفال اوغلنده اداره مخصوصه

جفال اوغلنده اباصوقیه جاده سنده : « مطبعه خیریه و شرکاتی »

۱۳۲۴





حاجی حیاتندن

--- قارداشم دوقتور اسعد بکه ---

اوت اون بش کون سورن برزمرمه عبادت، حجت بابل قلمه سنی آکدیران
اوهای وهوی وسفالت و شطارتی مکه سوقاقلرینی هفته لرجه چیکلاشمش، آرنق
بتون اوغلیان شدید طواف حزین بر نهایتیه ایرمش، ناقوس عزیمت
و خلاص طرف طرف چالینمغه باشلامش، دنیانک هر طرفدن قوشوب کلن
بومشتاقان کعبه غریب و مجبر برداء الصلہ نك محکومی اولمش ایدی : هر کون
دودلر اوزرنده صالانہ صالانہ کیدن بوصاف انسانلردن مرکب پریشان
پریشان قافله لرك يوللرده، شهرک اوطار و معوج آره لقلرنده بیتمز توکنمز
کچید رسملری یاپدینی، مکه نك هر طرفده غیر قابل توصیف بر طوفان خروشان
ایاب و ذهاب حصوله کتیردیکی کور و ایوردی . چارشیلر، بازارلر، تکه لر،
اولر، سوقاق آطه لری، بوش قالان هریر طولمش ایدی، طرف طرف عجز
و فقرک، امداد و استمدادک، ظلم و استبدادک، شیون و فریادک، غش و اضراک،
ملمات و حیاتک بر برینه قاریشدینی یوکشمکش منافع آردسندہ . مقصد اصلی نك
غائب ایدلیکی کمال تأثرله نظر دقتی تخریش ایدیوردی .

بتون بوزواللی حاجیلر یریر جزیه کذاری اولدقلری مقدرت مخوفه
وظالمه نك اوکندہ برقاق دقیقه طورده رق یاغلی بر ماصه نك باشنده بکه یین متخاص
و متشمش سیالی کاتبلره، وزنه دارلره کمرنده، کیسه سنده، البسه نك دیکیشلری
آردسندہ، قوشاغ نك قیوریملرنده، فسندہ، کلاه ندہ، اوچقورنده هر نه
وارسه، کندیسینی ممالک تنه قدر کوتوزه بیلہ جک نقد موجودینک نه قدرینی
آیروب « فدیة نجات » اولق اوزره تقدیم ایتک ایجاب ایدیورسه و یریور
وصوکره اورادن آلدینی اشارتلی و پارولالی برورقپاره ایله دائره حکومتہ
مراجعت ایدرک اوزرینه یینوب کیده چکی بردودنک رسماً مقنن اولان مروریه
ویا « تخریجیه » سنی ده آیریجه اوده مکه بومر حمتسز و ثروتکداز پاساپورطی
پک بهالی یه ضاتون آلیورلردی .

برپارچه زنکین اولانلر ، کیسه‌سنده برایکی یوز آلتونی بولنانلر اوزون و کوچ برسیاخته حاضر لاشلردی : چوللردن شدرحل ایله مدینه منوره‌یه قدر کیده‌رک روضه مطهره‌یه یوز سوره‌جکلردی . . یاواش یاواش دکره طوغری آقوب کیدن شدید بر سیل. حجاج سوقاقلرده حس اولنه‌جق قدر بر بوشلق براقده‌جه بوزنکینلر بر آزدها راحت نفس آلمغه ، برپارچه اطرافی کورمه‌که ، هدایا ساتان دکانلرده طوره‌جق کوره‌جک قدر بر مسافه بولمغه باشلامشلردی. آرتق دوه‌لر کیرالانمش ، یول تدارکی کورماش ، « موکب حج » ک محرمک ایلاک کونی حرکت ایده‌جکی اعلان ایدلمش و بتون یولجیلر حاضر لاش ایدی . . . سوقاقلرده پوصطالی آياغنده ، قوشاغی بانده‌جسور و متوکل آناطولیلرله چالیشقان و دائماً ، حجه بیله قازانچ ایله مشغول سوریه لیلردن ، اطرافه برنگاه بهت و حیرت ایله باقان ایرانیلردن باشقه کمسه قالماش ایدی . حرم کعبه‌یی بر آن خالی بر اقامیان اوغامله بیثال سکونت بولمش و سوقاقلر بادیه پیمای سفر اولمغه مهیا محفلرله طولمش ایدی .

برقاج کون صوکره محمل شریف دودسی مراسم پیرا و اعصار دیده بر آلی ایله حول کعبه‌ده طولاشدیرلمش ، صوکره صوکره بتون طنطنه و دبده‌لر نهایته ایرمش ، حاجیلر شهر خارچنده قرار کیر خیام اولمغه باشلامش ایدی . بر صباح ایکی طوب باطلایشنی متعاقب اون اون ایکی بیک کیشیک مهیب بر کاربان ، جسم بر قارغشلق ایچنده بلداللهه و داع ایلمش ایدی . . .

آرتق چولده . . . قسوت بخش ، ملال آور بر بادیه‌ده کیدیایوردی . . آره صره شیخ سعدی نک آلتنده او یویوب‌ده کارباندن کیری قالدیغنی یانه باقیله آکلاتدینی مغیلان آغاچلرندن بری ، چولک یکطرز بوشلمغنده بر لکه ، کول رنگنده بر نقطه کبی کورونیور و اونک اوتیه‌سنده ، ذیل آفاقده بواقلمک آشنای ازلیسی صایلمق لازم کلن حزین و مفتور بر سراب ، خیالفریب بر معکس امید و حرمان اوزانوب کیدیایوردی . .

برقاج کونده بر کوسکون و پریشان برواحه و حشتک چور اقلنی ایچنده مرحله کیر اولمغه مجبور اولیور ، کیم بیایر نه قدر قافله‌لرک وقاج بیک حاجینک قاتلی اولان ملوث و طوزلی بر صوبی ، ذائقه و شامه مزده او یاندر دینی طوفان نفرت و استکراهه رغماً ، ایچیور و کیجه‌نک ربع اخیرنده آلتنده کی زمین حزین و کللال

آوره برتقیفه لافی تشکیل ایدن آچیق و مکوک برسمادن کلن سونوک و یتیم
 حزمات ضیائیہ نکلالت ابهام آلودیہ قایلر قوملرایچنده ایلر یلیوب کیدیوردق .
 هرایکی واحه آردسنه وحشت آباد و برکانی برسلسله جبال حیلولت ایدیور
 وبوطاغلرک یاماجلرنده ، صیرتلرنده آللرنده برقاق آرشون طولنده فیتیلی
 توفکلرله یبلده برقاق کون ثمره بخش اولان بوسیدکاهی بکلین پارلاق کوزلی ،
 باقر چهره لی بدویلرک خیال کریزانی بتون کاربان خلقنی عمیق بر لرزش فتور
 و هراس ایله صارصیوردی . . . هر یکیدده قولاقلمز دینندن برقاق قورشون
 ویزلتیسی کچر ، تورقونج وکولسکلی وادیلرده متشتت ووحشی برصیحه هجوم
 و تعرض عکس انداز اولور . بتون طاغلر برطراقة تیز ایله ایکلر ، صوکره
 قافله محافظتک بش اون ریالی ، برقاق آلتونی ، برایی جمله التفاتیه سی برآز
 اول حیاتمره قصد ایله ین بوسربازلری بزه همراه ورهبر ایدردی ! . . . سالدیده
 برقشر اوساخک چیرچیوهلدیکی بونوروشسوق چیره لرده یالکز ایکی دریجه
 آمالک ، عربک میراث اعصار نوردی اولان او بر چفت جلاد و خونین کوزک
 پارلامسندن باشقه برائر صنعت وافاده کوروله مز و نظر تدقیق ارزاق مقسومه سنی
 قطع طریقده ، صید حیات بشرده آرایان بو ابتدائی طبیتلرده ینه اجداد زاد
 برصالت خلقیه نکل مبهم ویران ایزلرینی آرایوب بولمقدن ده خالی قالامازدی .
 موک حج شریف ، . . . اون ایکی عصرلق برماضینک بودبدبه دیرینه سی
 جدآ شایان تنبع ، انتظام و تربیتی اعتباریله جاب حیرت برائر قدیم ایدی . . .
 وظینه سائقه سینله بتون شدائدینه قاتلانیدیغمز شوسیاخت ، فکر وخیلمزده نه صاف ،
 نه معلا خاطرات براقیوردی ، انسان ماضی یه ، اوهارون الرشیدلرک ، زبیده لرک
 دینار نثار سخاوت واجلال اولدقلری شرفلی شانلی ماضی یه طوغری ارجاع
 نظر ایتدکجه نهلر کورویوردی . هر سنه ایکی دفعه بوصارپ وایزسز یوللرده
 هر آدمده برچوق تهلسکلر ایچندن کچهرک محل مقصودینه طوغری ایلریله ین شو
 « کاربان مقدس » ده قوجه برعظمت تاریخیه نکل زائل ومبهم بعض آثارینی
 کورن فکر تدقیق بوسائقه ایله و قتیله شرقکک متحکم والک مستبد پادشاهلرینی ،
 دنیانکک مقتدر والک متشبث اقوامنی ینه بوايجه وپیشان یوللردن کم بیایر
 نه بیوک دارات و دبدبه لرله ، نه شان و شرفلرله ، مرحله بمرحله سیار شبرلر
 وجوده کتیردرک ، هر قوناق یرنده شاهانه اوطاقلر قوردرق ، برابر کتیردیکی

موحدینہ شریعتلر ، نان ونعمتلر ، احسان و بخششلر توزیع ایتدیردک روضه ویا کعبه یه طوغری زهر و شوق و تعبد شوق و تعبد کورور کی اولیور و برقاچ آی صوکره بتون بوغنعه قرون دیدنک زوال و تباهنی تیز برصفیر استمز ایله مدینه وادیلر نده طنین انداز ایدنک اولان سوسلی لوقوموتیفله قارشى (پهرلوقى) نك سرکه جی موقعه و بك اوغلنك یوکسك ، فقط ملز و محروم صنعت بنالرینه قارشى دویدنی غیظ و نفرت بکزر برشیلر حس ایتمکدن کنیخی آلامایوردی !!

بك محنت و مشقتلر ایچنده ویکمنظر برشوره زار بداوتده کچن شو برقاچ کون بتون کاربان خلقنى صارصمش ، اك جسورلرده بيله یورغونلق علائمى کورامک باشلامش اولدینی برزمانده ایرتهسى کون (احد) طاغتك کورونه جکی بشارتی قافله دن باشدن باشه برغلغله سروروشادمانی اویاندیرمش و طاتلی برتکییر و تصلیه صداسی طاغله ، وادیلره یایله رق کذرکاهمزد بقیپرا طنانه لر براقش ایدی . . ایرتهسى کون سیم سیاه ، یانمش قایالر آردسینه صیقیشان بر بوغازدن چقینجه اوزاقده خورمالرله محاط و جنوبه طوغری برهاله سبزین حائنده تمت دلشین بروادی و بووادینک اورته سنده سرافراز برقاچ مناره آردسینه برتاج نورانور قدر نظر نواز یمیشیل برقه ، مشتاق نظرله فر بخشای تجلی اولدی : بوطاق سبزکون روضه مظهره ایدی . .

ایکی ساعت صوکره قانله جسم وایکی قات برسورک احاطه ایلدیکی اودلنواز (پشرب) ده قرارگیر فیض ورفاه اولیوردی . ایشته کونلرجه صلات و سلام ایله بکله نیلن بوسنده پرستیده یه هرکسک کندی لسانندن برنشیده مناجات میریلدانه رق رومال اولمسی بك علوی برمنظره تشکیل ایدیوردی . او آراق ییندیکی دوه نك اوزرنده صلوات کتیردک صاللانان بو طورلی بر آناطولی حاجیسی اللریخی یوزلرینه سورمک : اووخ ، ایشیغنه قوربان اولدیغم یشیل قبه ، سکا قاووشنجه بتون چکدکلمی اونوتدم! دییور و آغریقلی کوزلرندن دوکوان صاف و بلورین دامله لر بیاض صفالنی ایصلا تددن صوکره کوکسنک بریشان قیلارنده یاریلدا یوب سونیوردی ! . . .

مدینه منوره : ۳۰ کانون اول سنه ۱۳۲۴

کلیسلی رفعت